

四庫全書

集部

欽定四庫全書

閩中十子詩卷五

明 袁表

馬熒 編

林膳部集五

七言律詩

春日遊東苑應制

長樂鐘鳴玉殿開  
千官步輦出蓬萊  
已教旭日催龍馭  
更借春流泛羽盃  
堤柳欲眠鶯喚起  
宮花乍落鳥銜來

宸遊好續簫韶奏京國于今有鳳臺

春日陪車駕幸蔣山應制三首

鍾山月曉樹蒼蒼鳳輦乘春到上方  
馴鳥不隨天仗散曇花故落御衣香  
珠林霽雪明山殿玉澗飛泉近苑牆  
自媿才非枚乘匹也陪巡幸沐恩光

其二

鐃鼓鸞輿出曙煙翠華玉節上方連  
諸天日月依龍袞九域山河拱象筵  
香擁寶城熏瑞氣泉當玉几送清絃

宸遊暫此開春澤豈作金輪浪學禪

其三

韶鼓雲中動帝京六龍移處彩輿輕三天日色臨仙仗  
八水波光接帝城寶域旂搖銀燭影香山泉送玉絃聲  
侍臣此際承恩澤願述歌章頌治平

早朝

紫禁初開月欲低千官待漏五門西玉階柳色侵朱閣  
寶帳香車過御堤仙仗日臨花氣動鵷班風急佩聲齊

卷五  
天顏有喜朝回晚散步花邊路欲迷

寄右講經春日早朝

奉天宮殿五雲間舊是春官侍早班  
大禮度成嚴鷺序長楊賦奏覲龍顏  
風光漸報三眠柳佳氣長浮萬歲山  
身落江湖心魏闕夢魂猶逐曉鐘還

和張考功春日早朝遇雪

今年春早覺春寒紫禁朝回雪未乾  
太液月低銀兔濕蓬萊天近玉龍蟠  
吳鹽色瑩差堪擬郢曲才高欲和難

最喜風光先報柳  
漸舒晴翠拂闌干

雪夜張尚書籌招飲以事不赴

南宮倬直雪晴時  
凍雀無聲隱竹埤  
貰酒暫同寒夜飲  
盍簪深負故人期  
雲垂絳闕知天近  
月浸霜簾覺曙遲  
除却安禪與招隱  
此身此外欲何為

題中天樓觀圖

海上仙山接混茫  
仙居遠在白雲鄉  
樓當太乙星辰近  
樹拂勾陳雨露香  
絳節馭風來阿母  
玉簫吹月醉周王

可憐八駿歸來晚  
蕭颯蛾眉兩鬢霜

采石磯

斷磯縹緲駕危亭  
欄檻孤高見杳冥  
牛渚波濤通海白  
淩陽煙樹入淮青  
騎鯨夜憶遊仙月  
泛鷁春浮奉使星  
萬古憑高一回首  
玉壺清酒莫教醒

呈浦舍人

無諸臺下乍秋風  
客舍逢君興不窮  
性僻共耽詩句險  
愁多却仗酒杯空  
平蕪一騎經吳苑  
積雨孤舟夢晉宮

明日又從江上別曲闌愁倚送飛鴻

浮亭夜坐懷黃玄之

浮亭孤坐夜燈紅一倍離憂百感同春草綠波頻賦別  
流年青鏡暗驚蓬也知纓冕皆身外久憶心知向酒中  
此意漫勞題尺牘都門雪後有歸鴻

送高書記之邊

青袍書記去翩翩紫塞從戎不記年磧裏倚弓看淡月  
雪中走馬入遙天烏孫部落通煙火勒勒沙場乏水泉



聞道安西無戰鬪時時醉向酒家眠

春日寶峯蘭若游集得房字

化城鐘動曙蒼蒼野服乘春到上方  
一犬卧園芳草暖  
亂禽啼樹石楠香  
珠林對酒朋簪盍  
寶地看花色相忘  
欲向寰中除苦惱  
無過依止贊公房

遊秦川龜湖寺

風動松門野殿荒  
老僧相見漫焚香  
身隨斷梗棲卑邑  
跡比閒雲到上方  
葉落空林行處滿  
心超諸品坐來忘

清冷久別煙霞侶想是青苔長石牀

寄高逸人

君家別墅抗浮塵曾共浮丘醉度春花落更聞啼寺鳥  
柳深或見渡江人生涯不定如蓬斷會晤無期望月頻  
明日扁舟東海去幽居欲與孟家鄰

送人入蜀

把酒長歌蜀道行高堂千里見君情微霜半落青楓樹  
曙月平臨白帝城挂席不離江鴈影沾衣多向峽猿聲

錦城莫道無知己何限居人識馬卿

閩關春曉圖送司倉之京

江上離筵惜解攜閩關北上亂山迷  
花深野戍嘶疲馬月隱關牆聽曙雞  
劒佩朝天雙闕迴林園近日片雲低  
京華故舊如相問白鴈音書醉懶題

秋江別思圖

無諸城下送行舟滿座詩人賦遠遊  
歸夢不離秦苑夕客程多在越鄉秋  
江楓葉落填沙岸塞鴈聲寒到驛樓

會見使君簪冕貴未應華髮老滄洲

九日登絳月蘭若憶鄭二宣

微霜初下越王城衰病逢秋也自輕  
九日登臨多縱醉百年感慨獨鍾情  
斷蟬野寺黃花晚遠樹江天白鴈晴  
却憶浮丘炎海上懶題詩句寄同聲

寄高逸人

獨倚城南百尺闌粵鄉秋思浩漫漫  
平臺樹色催殘照近郭砧聲報早寒  
雲物正當搖落後關河終念別離難

龍門別墅今宵月誰與相同把酒看

送楊孝廉之京

刺桐花發荔初垂海國逢君話別離  
日下共傳優對策天邊相送醉題詩  
石城古樹秋風早淮水孤帆夕鳥遲  
君有長才如賈誼追趨好向鳳凰池

浮亭風雨夜集憶鄭二宣

天涯此別意何窮一片愁心萬里同  
明鏡曉霜驚白髮浮亭秋雨夢青楓  
書回絕島孤帆遠門掩寒塘舊業空

說著登臨多感慨一緘封淚寄南鴻

過東林雙磎有懷舊遊

曾於此地盍朋簪歲晏重來百感深門掩薄寒初暝雪  
樹含輕靄欲棲禽滄波涉海驚魂夢白髮看山倦嘯吟  
聞說遠公能館我便投章甫卧東林

冬夜與高五秀才館林八頁外宅

遠別悠悠歎二難多君留飲故情歡生涯祇合尊前醉  
功業無勞鏡裏看落葉走階風動晚古梅臨水月侵寒

何因得似龍門叟野艇終身一釣竿

與陳八叅軍夜飲話舊

鄉園別後隔烽煙此夕論交意惘然鴈引歸心離海國  
盃銜好月醉霜天謀生自愧青雲後話舊多驚白髮前  
明日豫愁分手處憑君慷慨看龍泉

寄周一秀才玄無呈陳八處士炫

薛老峯前夜詠詩若為離別思淒其忝於詞客推前輩  
久約林僧恐後期澤國未霜楓落早山城上月鳥歸遲

自慚淺薄非徐穉  
賴有陳蕃是故知

海口道上有述懷鄭二宣

露下菰蒲有鴈聲  
曉驂初發宿寒輕  
新知乍別孤吟倦  
舊國重來百感生  
黃葉閉門逢野寺  
白波侵郭見江城  
家園暫別堪惆悵  
翻憶浮丘海上行

將歸冶城留別陳八炫林六敏

南宮歸後歲蹉跎  
此日逢君奈別何  
野館解鞍行客飯  
寒山對酒故人歌  
蒹葭水國孤鴻度  
橘柚霜林匹馬過



為報已無軒冕夢清冷臺下卧煙蘿

憶龍門高逸人

浮亭露飲玉樽空千里心期此夕同海路想經春草綠  
越吟愁對夜燈紅他山花發鶯啼後別墅春歸積雨中  
聖代祇今無隱逸不應多病卧孤蓬

畢公房

躋閣攀巖入化城薜蘿高卧寄閒情孤憲上月分燈影  
亂葉隨風雜磬聲麋鹿自知諧野性簪珪何用絆虛名

真僧出世心無事戒得水壺徹底清

謫居寄冶城同志

遠別悠悠泣路歧丹心雖在鬢毛衰阮籍猖狂緣世難  
叔牙感慨為心知春城久判花前醉野館無由雪後期  
自愧不如閒草木也承雨露沐恩私

宋中送魏萬之安西

梁苑微霜梨葉紅行人此日發關東酒邊怨別看長劍  
馬上驚心見斷蓬雲散岳蓮開泰華月寒郊樹隱新豐

窮秋亦有臨邊使待爾題詩寄塞鴻

送浦大歸晉陽分得依字

離亭征騎曉駢駢正值關河朔鴈飛白髮相看閩海別  
青山遙送晉陵歸江城雨外蓮峯出野寺霜前柿葉稀  
自愧忘情非上知臨歧唯有一沾衣

送宮人入道二首

溫泉宮裏洗鉛華共訝君恩許出家阿監別時留佩玦  
道流迎處指煙霞乍拋月殿吹簫譜學煉星壇伏火砂

幾度春風綠嶺上步虛閒遶碧桃花

其二

大家有旨許求仙便著麻衣下九天碧落早知騎鶴路  
青春悔度種花年已教水月澄心鏡無復香雲綰鬢蟬  
昨日麻姑來問信又言滄海變成田

江上送王悅歸關中

秋風吹冷薜蘿衣客裏逢君賦式微楚水別來浮桂櫂  
秦川歸去掩柴扉中天華岳三峯削獨樹關河一葉飛

我有愁心如斷鴈隨君征路向斜暉

送朗上人歸匡廬

浮盃渡海寄行蹤歸去匡廬若箇峯月滿空山行迹遍  
心通萬法看經慵蘿深自識雲中寺秋晚遙尋澗底鐘  
共有東林蓮社約寒流石上幾時逢

將之三華留別冶城知己

躑躅花開黃鳥吟春城送別柳陰陰故人共洒臨歧淚  
逐客空懸戀闕心白髮流年嗟落魄青山歸夢憶登臨

金溪此去多乘興不似看花醉故林

賦得垂楊送客

客路垂楊最有情暖風吹綠漸冥冥雨深楊帝宮前見  
月落桓伊笛裏聽葉暗乍堪藏乳燕花飛終恨化浮萍  
分攜欲折長條贈愁絕河橋酒幔青

歸冶城辱羣公追餞至江心亭

梅風初熟布帆歸相送勞君到翠微遠樹啼鶯留客醉  
高林深竹見僧稀江心絕島晴浮出雨外孤雲濕倦飛

浦淑白鷗如有待想應知我拂朝衣

送僧遊蜀

蜀道岧峣不易攀浮雲蹤跡去如閒畏途棧倚天邊樹  
舊寺門扃海上山暝猿峽裏焚香宿暮雪城中乞食還  
歧路送師多感慨朝簪未擲復何顏

吳航送鄭二之海上

百年相見幾悲歡久客移家欲別難海路雲山天際斷  
縣城春樹雨中寒已辭紫禁休魚佩未築丹丘愧鵑冠

從此一盃分散後嘯臺明月共誰看

留別高八逸人

野客行歌賦式微江亭垂柳鷓鴣飛久從別墅花前醉  
倦逐征鴻雨外歸極浦波光搖去棹晴川柳色滿行衣  
冶城亦有同遊侶高調于今似子稀

天王寺煙蘿洞

寒巖精舍石林東冉冉垂蘿洞穴空宴坐袈裟深杳靄  
仙遊環佩小崆峒紅泉雨過花皆落翠篠雲來月下通



掃石焚香頻到此定逢秦世採芝翁

夏日與諸公至絳月蘭若

翠微精舍薜蘿垂磻戶陰陰暑不知  
青草舊遊苔滿院  
白蓮新社雨侵池  
題詩好是書蕉葉  
招隱誰同賦桂枝  
不向空門休物累  
下方塵土欲何為

秋江離思圖

粵城衰柳拂金堤  
雨裏秋襟惜解攜  
客散江亭聞斷鴈  
酒醒沙館候鳴雞  
楓橋夜冷吳謳起  
笠澤天寒楚望迷

天路雲山從此別一封愁札為君題

秋夜浦舍人見宿園亭分得天字

南宮飲散動經年此會羈魂各黯然  
霄漢故人誰更在江潭逐客自堪憐  
疎燈細雨開秋宴落葉驚風攪夜眠  
歸去晉陵成遠別好憑陽鴈望南天

寄王六博士

西鏞城下舊過從兩地心期意萬重  
詞客青山題藻句逐臣滄海寄萍蹤  
忘情已覺看花懶多病真成對酒慵

却憶西齋好明月相思吟送暮天鐘

高逸人見過園亭分得何字

園亭鳥散掩垂蘿上客連鑣晚見過纓冕已捐身外事  
玉壺且向醉中歌鷹風入樹凋秋葉蚌月流雲度曉河  
今夕相逢須盡醉明朝分手奈君何

夕陽

抹野銜山影欲收光浮鴉背去悠悠高城半落催鳴角  
遠浦初沈促繫舟幾處閨中關繡戶何人江上倚朱樓

淒涼獨有咸陽陌芳草相連萬古愁

老卒還田里

蚤從玉帳出邊關雪鬚垂絲喜得還  
銳氣暗隨秋色盡  
老情翻樂故園閒  
戰場尚記歸時路  
村逕猶依舊日山  
留得少年長劒在  
壁間懸却獨頻看

歌風臺

漢祖龍飛竟不回  
巍巍臺榭倚天開  
霸圖寂寞終塵土  
王氣消沈向草萊  
無復故人同擊筑  
空如野客獨銜盃

于今六合為家日  
颯颯悲風古樹隈

秋日同諸公至洽師房

洽公蘭若宿雲陰  
上客何頻此盍簪  
幔捲雲山邀逸興  
樓標霜月喻禪心  
空階雨過閒花發  
絕磴風來落葉深  
今夜上方期共宿  
一燈竹裏對君吟

送惠師歸東山別業

遠公飛錫出人寰  
別築精藍俯碧灣  
啼鳥不離階下樹  
閒雲長護檻前山  
燈懸靜室觀身悟  
屐響空林送客還

借問松醪何日熟會須乘月到禪關

懷友人陳三源

浮雲聚散幾悲歡久客懷歸憶萬安  
門對西山朝氣爽城臨東海暮潮寒  
身隨斷鴈兼秋遠夢入疎砧向夜闌  
為問松蘿舊遊處別來花下共誰看

懷浦舍人

祖筵相送槿花時江上逢春感別離  
詞客登臨芳草變鄉山吟望尺書遲  
鶯聲吳苑行人度海色官船暝柳垂

最憶王門聽曙漏思君閒夜益淒其

懷南宮趙大叔度

悲歌對酒強成懽三十窮經尚考槃  
楚水逐臣空作賦淮陰年少獨登壇  
青山官舍疎鐘晚黃鳥蕪城暮雨寒  
料得西鋪多勝事凌霄明月憶同看

送友之京

翩翩驛騎拂青絲斗酒城陰醉莫辭  
別路遠從雲外去論文誰向雪中期  
寸心冉冉懷丹闕雙珮鏘鏘拜赤墀

遙想朝回春更好音還慰倚門思

送池王二友歸劔潭二首

竹枝歌罷早潮平把酒離筵感別情年少常懷郗詵第  
才華獨羨馬卿名鐔津柳色迎歸棹螺渚鶯聲送客程  
良會未窮分散去好題飛札到岩局

其二

卧病丘園感越吟對君離思忽驚心琴樽何意成寥落  
纓冕誰知尚陸沈滄海一身懸北望青山雙淚向南深



須知夢裏還相憶風雨浮亭夜盍簪

賦得羅浮山送人之任

陶令之官瘴海濱羅浮勝境昔曾聞飛來島嶼丹青合  
畫裏樓臺紫翠分曲澗花深常帶雨龍川水暖欲生雲  
別離已是春風後那得梅花折贈君

浮亭夜集寄華故人

南亭高館薜蘿深此夜思君萬里心鄉國舊遊多怨別  
雲山何處獨登臨寒蕪落鴈天低樹野戍平沙燒隔林

尊酒相逢還寄意也應知我一沾襟

送林一歸山中

揀花雨裏醉逢迎南國看山又送行  
求侶暗驚春草色還家愁逐暮江聲  
殘陽向野聞邊笛遠樹登樓見海城  
誰念長沙遷謫久懶從季卜問君平

送余司馬歸晉中

驄馬朝來欲渡河官城把袂惜蹉跎  
滄洲舊業驚蓬斷白馬流年倚劒過  
梨葉煙村行客少鷓鴣陵苑夕陽多

金史八ノ二  
卷五  
天涯相憶知何處空有愁心對酒歌

送逸人之嶺南

把酒離筵江上青水亭客散雨冥冥心懷遠道頻看劍  
跡向南天祇類萍孤驛城頭晴見樹片帆海上夜浮星  
知君此去堪乘興何必臨歧涕淚零

送林十一歸山

青門長笛起愁聲滄海離盃感故情賓館芰荷清夜語  
鄉山砧杵暮秋行浮雲北去無蹤跡旅鴈南歸有弟兄

莫歎蹉跎向年少古人白首尚躬耕

懷林外史

騷人別去易蹉跎門掩浮亭長薜蘿北闕才名嗟放逐  
西鏞親友念經過醉題候館桐花早歸夢鄉山夜雨多  
料得登臨多勝事南州詞賦復如何

晚日杉關

荒苔古道斂微曛馬上笳聲不可聞地自亂離民舍少  
山當閩楚客程分長林積雨寒為雪深樹孤峯濕作雲

愧我舊遊見關吏也將書劒學終軍

擬送馬秀才下第歸江南

嗟君失意賦歸休家在滄洲憶舊遊  
灞上柳條牽客恨江南草色向人愁  
山城落日寒吹角水國連天夜泊舟  
莫歎青春悞年少古來白首未封侯

擬送客歸江州

悠悠草色醉離樽送子東歸欲斷魂  
洛社分攜孤劒去潯陽耆舊幾家存  
湓江浪白潮通海楚地山青柳在門

若見別來相識問風波此日不堪論

擬送人入蜀

江亭把酒唱離歌遊子扁舟發汝沱草色到江知地盡  
猿聲入峽覺山多水流深向荆門出棧道遙從樹杪過  
去去蜀中應計日相思明日復如何

擬宿淮浦寄司空文明

思君深夜百憂新淮浦東頭問去津千里楚天初度鴈  
兩河明月未歸人從風自歎成黃葉臨水空思采白蘋

知己飄零有如此舊遊那復洛陽春

擬賈誼宅

少年何事到長沙此處翻成謫宦家  
地濕楚鄉秋雨後草深甲第夕陽斜  
清湘東去人空弔盛世南遷衆所嗟  
我亦為君長太息懶將書劒客天涯

擬積雨輞川莊上

短褐山中荷蓀時東菑風雨共棲遲  
久從野老田間餉深負林僧竹下期  
梨葉煙村聞布穀桃花潭水隱鸕鷀

懸知別墅安農意此外餘生空爾為

五言絕句

題白蓮二首

淡月瑤池夜微風泰華陰翠翻擎雨蓋玉冷墜波簪

其二

神妃遊洛水照影弄晴暉明月沈珠佩香風動羽衣

詠草

閒門春雨後芳草上階生詎知嚴霜月聊復一時榮



流沙江夜泛

登艫日向夕出浦雲已平月黑渡江處北風蘆葦鳴

七言絕句

下山尋朱繼

攜琴載酒遠尋君石逕人稀日半曛縱醉也須山上去  
莫教閒却半床雲

寄周隱者

卜築深依野鹿羣姓名何用世人聞平生身外無餘物

只有秋山幾片雲

題朱舍人為史太守寫梧竹

舍人退食寫閒情  
公子開械玉雪清  
曾向鳳池同夜直  
披垣梧竹總秋聲

放歸言志

君門乞得此身閒  
野樹煙江一櫂還  
收拾舊時詩酒伴  
遠尋僧舍入秋山

題吳江垂虹橋

雲帆秋晚過垂虹  
落日鯨波動遠空  
欲借仙家遼海鶴  
月明吹笛水晶宮

曉行

前山樹暗月朧朧  
馬色雞聲共曉風  
不為逢秋多感慨  
只緣身在別離中

將之海上羣公相餞至龍津

百尺雲帆絳海霞  
勞君相送到天涯  
重來應恐清秋晚  
落盡清冷桂子花

宿逆旅聞泉聲

練瀑飛空作雨聲樓虛月白旅魂驚  
相思不道無歸夢自是離人睡不成

將之鐔城留別冶城諸彥

冬青花外雨霏霏半濕征鞍半濕衣  
此去孤舟無伴侶空江惟有白鷗飛

其二

知己相攜欲別難白波春草路漫漫  
劒潭誰道無明月

不似清冷把酒看

溪山春曉

香霧濛濛濕翠霞  
半簾殘月到仙家  
野橋初過鶯聲曉  
乍見春溪水漲沙

綠楊燕

上國繁華畫裏看  
綠楊紫燕鬪春闌  
金河堤上朝回路  
最是飛花撲玉鞍

題宋故宮御屏芍藥

雨暈霞綃粉繪香品流應得亞花王  
五侯池館春如夢  
無復繁華似洛陽

題竹

醉墨淋漓濕未乾  
拂雲雙玉倚秋看  
別來嶰谷空林月  
幾度淒涼遂裏寒

畫竹

玉節娟娟老雪霜  
蒼梢勢欲拂雲長  
南風昨夜吹煙霧  
添得虛堂六月涼

題小景圖

林木疎疎小徑分  
石泉嵐氣絕塵紛  
抱琴野客歸何處  
閒却松憲半榻雲

題鄭昭甫寫張騫乘槎圖

滾滾黃河天上來  
茂陵底事望蓬萊  
早知博野乘槎便  
虛築通天百尺臺

寄周生

生事蕭條鷗鳥知  
春來長憶看花時  
祇今酒伴俱零落

說著高陽淚便垂

書寄鄭二先輩

粵國佳人歌竹枝  
吳航歸客不勝悲  
送君別後秦樓月  
猶見清光似昔時

題牧牛圖

綠草萋萋黃犢肥  
半蓑殘雨卧東陂  
煙深埜水行人絕  
家在寒林月上遲

題蘭竹圖



楚山湘水亂雲遮  
欲往題詩路更賒  
昨夜燈前醉看畫  
雨枝風葉亂橫斜

枇杷山鳥

沈香煙暖碧窻紗  
綠柳陰分夏日斜  
夢覺只聞鈴索響  
不知山鳥啄枇杷

平林歸牧

松林日入煙火生  
風起時聞長笛聲  
灞頭芳草無歸路  
騎向清溪沙上行

對菊

獨對秋風感客懷  
南山舊業半蒿萊  
浮生想被微名絆  
知得花前醉幾回


春詞

夢回明月隱銀屏  
香冷微風動翠綾  
從此離心無處寫  
起來花下拜三星

竹枝詞

吳王宮前春水平  
灞陵橋上柳色青  
江水不流離恨去

楊花長送遠人行



閩中十子詩卷五

欽定四庫全書

集部

閩中十子詩卷

六至十

詳校官中書臣瞿照

助教臣常循覆勘

總校官進士臣朱鈐

校對官中書臣吳紹昱

謄錄監生臣卹卿雲

欽定四庫全書

閩中十子詩卷六

明 袁表

馬熒 編

陳徵君集一

五言古詩

諸兄東園宴集奉和景桓兄兼呈景獻景德

少小櫻憂患抗志慕疇曩乃蒙諸哲兄引接更推獎昨  
日陪佳賓天宇氣清朗東園數畝地春雨草木長幽花

媚時節鳴禽散清響陽坡翠竹淨陰巖綠蘿上曠望得  
所懷胸襟自夷廣新亭當中開面勢廓弘敞哲人昔經  
營於今化黃壤當時用心苦終老曾莫享令子獨能賢  
盛年獲真賞思人當愛樹寧不發一愴大兄氣沈遽舍  
爾吾焉做卜地力充拓開荒去榛莽清池既疏鑿疎籬  
亦幽枉蹇余昧生事常恐失所養有地卒污萊覩物增  
慨慷良時難再遇勝會易成爽新懼且云樂往事成決  
濟我歌棠棣詩前徽足欽仰願結桃園期相從日來往

遊昇山寺簡初上人

出自北郭門村村好林藪我行訪精菴百折渡溪口藍  
輿經濟勝拄杖還入手幽深足探討十步停八九飛甍  
近可覩尚覺登頓久乃知地位高上可挹星斗靈巖下  
窺瞰衆壑皆培塿千村繞城郭百水互奔走茫茫浩劫  
中大廈幾頹朽名山自終古半為空門有吾兄智力大  
叱咤龍象吼昔憂爭奪繁今已脫塵垢歡迎道契濶為  
我開戶牖未論清淨理且勸盈尊酒豈無物外想業網

金匱玉函  
卷六  
苦纏糾明晨下烟閣悵望空回首

避亂鵬程陪諸公山行觀先蹤

晨從杖屨出薄暮方言歸山川變殺氣春野少光輝只  
為避風塵攜家遠相依何意陪清遊使我憂慮微青山  
多古墳夕陽鷓鴣飛登臨散懷抱幽興間多違野望接  
清談一壺時共揮非君情意眷寂寞掩柴扉

亂後入城逢故人感憤有作

奔走避鋒鏑幽懷難復論今朝一握手少慰堪傷魂憶



昔紀綱壞賊臣亂中原遂令狐鼠輩乘釁窺城門鐵騎  
從西來紅旗汎崩奔氛祲彌列境誅求尚苛煩竊愁兵  
火餘已作饑饉根相逢對杯酒悲憤不能吞九重高宴  
安豈不憂黎元安得補天手一為正乾坤

秋日登御風臺

鴈峯有高臺西望近林嶺乘閒一展眺舉步凌絕頂秋  
高灝氣肅風物漸淒冷寒蛩始發聲過鴈有餘影惟時  
收穫竟遠目即馳騁北海澄不波西山碧逾淨蕭晨感

搖落賞玩愛清景未結塵外遊即此足幽屏

古意呈陳漢臣

鬱鬱澗底松離離原上草春風一吹拂秀色相映好金  
商行素秋滋蔓已枯槁大材終不凋且向巖壑老娟娟  
孤生竹托根在別島枝幹苦不長風烟莫能掃寒暑更  
代謝霜雪正傾倒相期抱幽獨貞堅以為保

秋後涉園

為圃何必廣近家乃為良數畝足採掇廢為蔓草場果

樹或僅存竊取難周防僕夫喜能勤種藝得其方鋤治  
返其初畦町忽成行憶昔事遊嬉豈顧田園荒及茲悟  
生理始覺興味長方池匪綠水澹然浸天光匪但資濯  
溉亦足居鯉魴瞻彼叢桂樹敷陰已過牆先人手所植  
餘蔭猶芬芳濯濯數本蘭移植叢桂傍新茆貴培養昨  
夜多繁霜羣山西南來秀色近可望那無數檻屋留客  
持盃觴千戶江陵柑八百成都桑豈不念宏曠居分安  
吾常行吟雙徑間散步聊徜徉新蔬既布綠殘菊復委

黃覽物感時序胡為獨遑遑僕夫告我語何時是春陽  
及時好種樹能使根本臧但恨墻陰竹生意尚茫茫深  
感僕夫言賦詩示不忘

秋日感懷

白露下庭樹忽然天地秋蕭條海上望愴惻令人愁世  
路日紛梗干戈滿中州王業豈不廣居然如綴旒嗟彼  
徇名人尚愛關內侯南琛效職貢盡逐滄溟舟印綬何  
累累報國無良籌獨有雲臺子深懷蹙額憂

秋暮懷劉宗魯

海國別來久長懷瓊樹枝閒齋坐幽獨悵望秋風時自  
非物外人邈焉難與期空傷綠華歇坐惜白日馳徘徊  
孤月明愴惻蛩聲悲對此更愁予勞歌空爾思

寄陳復樸鍊師

太白懷賀監扁舟尋會稽應物憶全椒一瓢慰相思予  
也列仙儒余亦山林姿同鄉復同姓胡為不相知昔從  
陳藍田朗誦秋巖詩真仙不可接舍爾今其誰牛溲清

晝陰一川秋月輝瑤琴啓塵匣遲子山中歸依依城郭  
存擾擾人民非金丹不相授每恐朱顏衰芳洲有綠華  
路遠曷致之緘詩寫冲素握手若為期

六月九日與景和思和二友生熙鑛二上人同  
遊前峯晚宿萬歲山下遲明登山歷覽名勝  
得至首石果公房吟寄山中自庵華溪二禪  
師

方巔高萬仞雄壓東南偏昔聞多名勝此日來攀緣朋

遊樂過從琴錫相後先  
威夷陟層巘浩蕩窺平川  
危亭歷更佳物象明相鮮  
石門現金刹始信別有天  
近山如翠屏飛雲繞其巔  
樓閣麗白日松檜青無烟  
惟時祀法祖鐘鼓鳴喧闐  
嗣法演大教聽者相摩肩  
我來為奇觀詎敢問空禪  
且尋靈源洞雲壑娛風泉  
捫蘿恣幽探剝蘚看奇鐫  
意愜情有適境空慮欲捐  
憑虛望海濤天風正冷然  
神馳八極表思入飛鴻邊  
茫茫天壤間日月相推遷  
城郭幾劫灰海水成桑田  
至人果何修一燈永相

傳宗風遠益振濟濟今多賢  
穎師舊論交贊公亦忘年  
何時許入社日夕長周旋

田園感興二首

近宅數畝田種秫仍種杭  
三時力農事幸見秋禾登  
大兒能了官輸租先入城  
小兒方能學稍長還願耕  
不喜兒孫多不願倉廩盈  
所願薄稅歛庶幾家業成

其二

近宅一畝園種果復種蔬  
果以薦佳賓蔬以充中厨  
桃



李種成蹊瓜芋亦有區華實與時新足為心目娛我本  
灌園人寧學董仲舒所願適其樂帶經時荷鋤

遊瑞巖

古磴入幽洞危亭俯層巔昔聞魑魅居幻作兜率天生  
平愛奇觀雙屐勞攀緣安知窮海陬有此佳山川涼秋  
天宇晶四野無浮烟憑高送遠目海色清無邊開筵薦  
芳尊拂石看名鐫登臨愜素賞感慨傷華顛一立志未  
酌百慮紛相牽日夕還吾策高懷徒悵然

冬日過石首簡天石老禪

世累日多門驅馳壓塵雜駕言尋招提雙屐早已蠟霜  
餘葉盡脫回首見孤塔入門謁金仙鐘鼓響鏗鏘吾師  
投跡久終歲一舊衲曾從大方遊已悟世外法深居行  
無取問語終不答竹影覆經房茶烟繞禪榻天寒苦日  
短千嶂夕陰合笑別虎溪頭松風起蕭颯

陪徐汝澄元暉元中張宗獻陳彥初諸君飲陳

太真湖亭順泛滄洲磯遊三山書院沿郭西

而歸同賦

白日照湖曲嘉樹藹芊芊開筵眺麗景卷幔俯晴川  
遠岫列蒼翠芳洲紛眇綿揮觴觀魚鳥寫興吟蘭荃落日  
舉輕櫂幽情期賞延沿洄入空濶望盡雲霞天天際見  
新月城頭生暮烟預愁鼓角動飲散各言旋

簡華嚴寺無極上人寺近許樞密墓

久耽丘壑遊未厭東山路偶訪招提居兼謁卹公墓雲  
林更左轉始得禪棲處落日寒蟬鳴藹然松杉莫真僧

欽定四庫全書

卷六

欣相接況有平生故秘篋散芸香名卮酌甘露常懷談  
空理暫喜捐塵慮永願依道林慚非許玄度

陪照師同遊大頂精舍

連策上層坂幽尋行自遲芳春麗晴景萬象皆呈披一  
水忽湧竇千山爭獻奇乃知真栖地久與靜者期吾師  
願力弘住世多有為禪宮盡輝煥斂跡歸茅茨向來精  
修心進退無不宜久欲依道風未能息驅馳

雨中孔士新見訪

旬日苦霖潦深居掩柴荆良朋適我遊執手良慰情昔  
別秋菊殘今來夏木榮百年多離別能得幾合并斗酒  
叙襟情為君滿意傾當筵不盡醉興在尋楸枰清歡暫  
從容俗慮紛相縈興懷一感舊肝腑徒崢嶸我聞賢達  
人德業老始成家聲慎勿墜三孔非常名

遊西巖

西巖鬱嵯峨石門獨奇壯躋攀久未暇蒼翠長在望今  
晨泛湖曲舍棹一登訪招攜得良友濟勝有藜杖夤緣

歷溪澗憩息玩屏嶂經時困塵務忽若涉玄閤新晴衆  
峯出原野森萬象微雲忽變陰片雨過潭上溪明識磴  
轉谷暝聞樵唱幽栖信非遠未果脫塵鞅終學種桃人  
茲焉保閒放

奉別寄前員外野公士弘新任武進幕官以病  
乞歸養

喬喬南山松挺直任梁棟寧從丘壑老恥作采捕用早  
歲登文場價比瑚璉重省曹雖歷踐館閣未供奉皇綱

久陵夷陵谷忽變動遂令燕山玉盡入南國貢仁身幸  
優許肯顧升斗俸本懷貞女心沉切高堂夢憶昔過首  
山人中識麟鳳再聆金玉章一一可傳誦修途勞枉顧  
逸駕難遠送寂寞返巖扃孤琴不成弄

集南亭書舍呈董伯元諸子

歲序去奄奄寒牕坐蕭條不有文字歡何能永今宵故  
人抱衾裯傍舍來匪遙情諧句總好道契琴亦調常恐  
大雅沈文風日寥寥向來重談論豈為懽娛招松栢有

晚操幽花不崇朝世態何足傲相期終久要

秋日訪董伯元於玉溪李子麒招飲賦清夜吟

得吟字

久別乖致書暫喜能盍簪訪舊獲新益式契求友心半  
生紹箕裘常恐力不任栖遲就荒陋就使殷憂深溪光  
湛虛明露氣浮高林虛齋坐超越庶以開煩襟杯盤勞  
親朋幽賞難重尋聊持合并樂寫作清夜吟

高彥恢適安堂



即地可棲遯何必遠結廬作堂依故宅聊以適起居  
青映戶庭嘉木羅且敷圖史積左右日與文士俱有時  
風日佳吟行步前除蕭散咏樂情暢然形神舒用世豈  
無心出門畏歎嘔優游保貞素庶得遺毀譽

奉別吳志孚先生

澤國鴻鴈集衡門風雨深齋居抱行素惻惻感秋吟久  
懷延陵風高駕幸過臨惠然襟期合孰云曠難尋既潔  
尊中醪載拂牀上琴無言一會易賴寫千古心憶昔傾

蓋時游集多朋簪臨觴忽不樂感舊復慨今盛時不重  
來白髮苦相侵斯文恐將墜勗爾道自任三江多蒞蘭  
地古饒雲林政望信修阻尚憶金玉音

賦采菊東籬下悠然見南山

分得南字

散病衡門步睇目南山南天高氣候肅林壑歛氛嵐手  
種籬下菊繁花已粲粲覽物念流景吾年竟何堪豈無  
一壺酒發我衰顏酣賴茲達生趣可以齊彭聃歸鳥托  
喬木潛魚志深潭嗤彼當世士日晏猶清談

董司征愛日堂

去日已可惜來日苦無多事親期百年百年能幾何捧  
檄萬里行單車越關河祿養敢言薄流光恐蹉跎親壽  
亦有期子心固無他安得魯陽手為君駐羲和

夜泊古崎

寒山夜蒼蒼猿數聲響風生蘆葦鳴水落洲渚廣月  
出知潮來時間人蕩槳

夏夜對月有懷王甥至之

白日苦炎歎良遊寄夜永微風度荷香霽月散林影境  
幽神已澄坐久慮絕屏不見心所親寥寥此清景

送別詩

白日照大川清空無纖埃揚帆向海島正值南風來汀  
移深樹隱棹急羣鷗迴水氣滌炎暑扣舷信悠哉憶與  
王子別登艫尚徘徊江干片時話少慰襟期乖遙知今  
宵月正照碧潭隈因之托遠夢一寄相思懷

同諸子靈隱寺石上野飲

世路多喧囂春山自幽靜偶從澹蕩人共陟招提境沙  
明日在野林暝雲起嶺憩石歌且吟傾瓢醉還醒方欣  
靈府曠漸覺塵慮屏預恐解攜歸愁襟復難整

冬日遊嶼南登龜石賦詩貽同志

疇昔過茲鄉駐馬望龜石蹉跎兩鬢華始作登臨客是  
時久向深氣候未蕭瑟追隨得良友周覽訪奇跡浮雲  
散輕陰日霽見海色千巖含暮景湖影侵空碧郊原紛  
綺錯左右羅第宅向來多賢豪聲譽何籍籍良辰作佳

遊此地幾登厯我來一感慨俯仰今視昔落日松風生  
遲回景將夕

寄鄭孟宣文學

佳士不易得結交良獨難十年傾慕意未獲一承顏君  
負青雲器局促處籠樊余乏濟時策白首甘泥蟠安得  
凌風遊雙飛振羽翰佳期且寥邈素襟何由殫明月在  
霄漢芳草滿江干幽情不可寄聊取玉琴彈

澹虛亭為何明府作

結宇臨清曠賓客日過從有時抱幽獨深覺心賞通霽  
月澄清景微雲含水容羣動喧已寂衆色望俱空了與  
世氛遠豁然心境同冥懷信足樂王事徒勞衷何日拂  
衣去高攀陶令風

六月初七夜與嶺南族中長少二十二人乘月  
泛西湖紀興一首示諸同遊

落日動高興輕舟過碧潯方欣齊橈樂復惜羣山陰時  
愛波上月清光猶未沈乍離洲渚淺稍入蒲荷深花香

製人衣水風涼我襟盃行吸素彩曲度飄清音昔聞此  
湖間畫舫相追尋繁華不可問新賞良在今佳宴共桃  
園勝遊同竹林寧知今宵樂不協古人心

再送唐進士士昭之京

驚鳥刷勁翮志欲凌九霄神魚鼓巨浪豈憚禹門遙十  
年磨干將試用在一朝學富名早著才高擢宜超衰年  
辱見知聽言生風颭將期白首好無奈青雲招春風吹  
江水草色滿河橋追攀不可及佇立送行鑣



五月十一日雨中會飲馬氏西樓分得衆字

索居畏離羣取樂歡與衆既同仁里居復美襟期共芳  
年足致力衰蹇果何用謬諧文字飲深荷情意重鳴琴  
晚雨至滅燭明光動詩思浩縈懷西樓不成夢

贈琴師朱宗銘

夜思何寥閨聽君調玉琴豈惟愜素賞兼得聞正音一  
鼓月當戶再彈風滿林回軫拂清商寒雲澄幽陰盡將  
湖海氣寫入秋鴻吟感嘆未終曲令人傷古今夙昔顏

鬢蒼今來雪盈簪何意睽離後沛然山水深觀光信可  
學衰蹇自難任聊傳白雪調一寄歲寒心

答林良箴客中見寄

置酒悵不樂孤吟對黃花忽承尺書問尚覺幽期賒憶  
昨束書去幡然莫能遮所思避網罟豈憚栖幽遐似聞  
鹿門居山水多清華題名遍僧宇揮翰滿人家處困乃  
如此懷才良足誇新知且為樂舊友徒咨嗟久別臨滄  
亭欲乘浮海槎終當訪陸羽一賞春山茶

夏日閒居感懷寄浮丘皆山二知己

炎夏日方永幽齋如道居牀頭有遺帙展玩一起予嘉  
樹蔭衡門鳥雀鳴階除時物得所適我懷胡不舒仲子  
貢成均經年無尺書仍聞抱疾疾遠道今何如處世本  
無機探囊久空虛餘年免憂患庶以狎樵漁君子吾知  
音邇來會面踈書堂諒多暇所望惠瓊琚

同歐陽彥中賦西湖路

杳杳西湖路曾經大建年昔時湖上坡今作湖下田人

世幾變易山水尚清妍惟應西湖上閒弄釣魚船

江南橋納涼詠懷

火星出東方遠水搖光芒  
羣山際大野夜色何蒼蒼  
客舍苦炎熱江風有餘涼  
煩襟輕一浣王事殊未央  
默默故園想中情那可忘

題夏日幽居圖亡壻景振家藏

氛氲溪上雲綠縹雲間樹  
一徑入烟蘿山人讀書處  
長懷永日遊文酒展清晤  
回首秋風深淒涼碧山暮

觀陳搏傳

寰宇方板蕩有道在山林矯首雲臺館悠悠白雲深五  
姓若傳舍戈鋌日相尋雖懷蹙額憂終作大睡淫世運  
豈終窮大明已照臨乘驢聞好語一笑歸華陰區區諫  
大夫富貴非我心

欽定四庫全書

卷六

閩中十子詩卷六

欽定四庫全書

閩中十子詩卷七

明 袁表

馬熒 編

陳徵君集二

七言古詩

贈皆山隱者兼寄良箴

食粟不為農學書不為儒青年蹭蹬無名士白首蹉跎  
一野夫故交零落今誰在時人白眼那相待欲從東海

招魯連還向夷門揖朱亥滄溟萬里波連天太行九折  
推車轅道旁小兒抵掌笑笑我老人空大言以茲偃蹇  
送日月獨抱窮愁依故園故園迢遞連滄洲白沙翠竹  
多鳬鷗雲山滿目不能賦三徑未荒誰與遊忽覩高文  
絕瀟灑知君不是尋常者勺水寧藏起蟄龍鹽車豈困  
長鳴馬傾蓋相逢未有期擊筑邀歌當有時興來欲訪  
能琴客會歌一曲高陽池

賦得滄海月別南鄉諸子



我家住在滄海涯海上長看月出時海風吹月到天上  
清光夜夜長相隨紫薇峯前秋月白此時却照禪宮客  
南中佳士一時來幾夜同看明月色月光自古有盈虧  
人生最是多別離明朝復向滄海去只因見月長相思  
飲張宗獻家至之席間索賦憶舊遊一首

張君白面雙眉修不逐少年肥馬牛傳家有書一萬卷  
十年燈火城南秋憶昔西湖初識面憲府山郎接高譙  
開簾把酒對三山一片湖光坐中見滄浪磯下弄扁舟

太牢臺前泛月遊黃昏玩景歡不足相攜更上環青樓  
樓中偃卧青雲客曾與張君交莫逆問余何處新知懽  
聯珮追遊不知夕自從投合數經過城北城南勝事多  
時從博士談經史肯逐驕兒醉綺羅知君殊度能飄灑  
好古探奇仍愛畫王孫妙蹟余所好解驂欲換千金馬  
河橋一別又經春索寞離居應念羣題書不得飛鴻便  
空對南天日暮雲春城握手重歡會合浦堂深竹光翠  
博奕投壺送落暉向來行樂今朝最人生知己不易知

古來管鮑同襟期相逢何必論窮達對酒惟當惜別離  
寒夜林熙績董伯元集同賦折梅寄遠

我思美人在空谷路遠天寒想幽獨解佩何以慰所懷  
聊寄孤芳寫心曲寒梅不比瓊樹枝見之但言別經時  
山林政欲同心賞冰雪終為歲晏期花開莫問枝南北  
兩地開花總相憶江頭幾度見春歸每惜馨香留不得  
盛時歡會去莫追中年更覺多愁思憑將此夜花間月  
照入君懷君始知

欽定四庫全書

卷七

壬辰春淮南有警報元帥吳公首議築城求故

趾劉氏祠堂在其地焉傷其毀折慨然有作

湧泉門北湖西偏劉公祠堂垂百年華榱棟壓湖曲

老榕修竹摩蒼烟羽書昨日淮南至官司已卜城南地

毀垣折屋行見嗟累歲經營旬日廢風亭月榭一時空

回首舊遊如夢中更說當年樗里智誰令卜宅近秦宮

題畫竹

王維遠矣蕭郎死墨竹古來俱可數自從老筆出湖州

世人始信前無古此圖高古不知名欲與湖州相抗衡  
森森矛戟自相向浙浙枝條如有聲高堂素壁時張掛  
瀟灑渾疑却炎夏莫言無地種琅玕自有清風滿圖畫

題邊孟屯為歐陽彥中畫皓巖幽居

李范山水妙絕倫以後衆史徒紛紛應同米家構新思  
披墨却寫鴻濛雲房山高史有奇蘊更假丹青美清潤  
邇來作者頗相繼邊郎下筆尤神俊邊郎始著從事衫  
十年牢落依江南昔從海上尋高隱乘興揮毫寫皓巖

羣峯蒼蒼雨新沐白雲油然出空谷奔泉曲折赴前川  
小徑縈紆到茅屋一重一掩極幽深哲匠經營良苦心  
看君巖穴雅相稱明牕靜几有書琴憶來我欲共忘返  
一別高林春事晚自從寫入畫圖看渭北江東無近遠

悼犬行

沙村月黑無人行猛獸咆哮繞舍鳴時來攫取村中犬  
突入籬落居人驚韓盧烏喙誇疾足平地寧知罹虎毒  
十家九室無吠聲更恐穿牢噬黃犢君不見岑君昔在

魏郡時吠狗不驚足生鼯又不見九江當年有循吏羣  
虎渡河俱遠避方今政美時復平那得此物來縱橫誰  
能驅屏入窮谷却使駟虞地上行

雪山歌送人宰蜀邑

西山截薛連雲起東望錦城如井底四時積雪不曾消  
春來盡作巴江水郎官未識蜀山川馬首西行如上天  
歸到琴堂長對雪益思美政答豐年文翁舊化今如夢  
期月應知藹絃誦蜀人解道杜陵詩盡說公來雪山重

戲簡彥衡彥賓昆仲兄客陸莊弟客鎮右

陸渾莊上多芳樹舊識德成巖下路書堂正對大溪頭  
猶是仲蒙舊居處讀書何必傍溪山書闌幽興自相關  
亦知林下雲泉好應恨隄中日月閒客衣未垢寧辭浣  
湖上月明隨往返却憶惠連深下帷一去不知春事遠  
近隄蒲葉已含滋五日歸心豈肯遲預拂東林松下石  
與君永日話襟期

思和助教歲暮返自金陵有約新春省墓竟不



復至且寄集賢樓遊西湖詩文見示因賦以

答

不見故人二載餘每訪人行無尺書忽聞歲晚赴京國  
攀車不及情何如十年儒冠何草草嗟君西向金陵道  
家餘儋石豈憂貧坐對琴書不知老醉遊曾賞上林花  
寫詠歸來對客誇盡說客中山水好書來應是不思家

送林孔逸從軍北上

脫却逢掖衣更結曼胡纓安能鬱鬱事筆硯男兒本自

重橫行越王山下秋風起塞北此時嚴堡壘皇家選士  
重防秋迢迢征途從此始從軍莫問所從誰抱藝懷才  
無不宜籌邊亦自有奇策專事弓刀徒爾為此行壯氣  
何激烈酌酒送君那忍別萬里封侯非所難玉關功成  
須早還

送朱以義還樵川

六平客舍秋風早楓葉蘋花滿江島此時遊子正思鄉  
東裝西向樵川道自言讀書三十秋竊慕子長湖海遊

匣中長劍且未用，爨下枯桐非有求。  
鴈塔峯前忽相遇，五旬能向滄洲住。  
逸興方尋幽壑雲，離心已掛長亭樹。  
憐君有志未獲伸，鍼砭猶言可濟人。  
由來絕技堪醫國，莫學韓康終隱淪。

送林延卿之嘉定求族人

仗劍對尊酒，江湖千里心。  
男兒重義不貴貨，何論白璧千黃金。  
春洲三月花冥冥，解帆正值南風生。  
東南羣山入勝覽，天平看到姑蘇城。  
昔時族人去為客，一經隨行

無長物他年生計比陶朱却向吳門買田宅君今才學  
追故人溫良孝友皆天真吳中兄弟見宗譜歡宴且叙  
平生親緬懷伯父有遺惠更買義田修歲祭邇來轉覺  
貧者多安得揮金繼高誼范公祠堂何處尋瓣香好致  
遠來心世人設心總如此何愁家有貧孫子君行少發  
汗漫懷我當飲錢顏亦開秋風葉落吳江冷還望扁舟  
江上迴

行路難

我欲叩天閤天高無窮手難捫我欲浮大海八月仙槎  
不相待出門四顧空徬徨歸來覽卷坐高堂感彼古來  
人逢世能激昂安得如魯仲連飛書約矢以遺燕解紛  
排難不受賞拂衣長嘯歸園田安得如田子泰仗劍西  
行氣慷慨掉頭不顧都亭侯回心肯賣盧龍塞高風逸  
節不可攀世無斯人空長嘆浮雲蔽日塵滿眼擊劍空  
歌行路難行路難多歧路何處深山有薇蕨我欲攜家  
入山去

榕軒書隱為高甥景玉賦時宰蜀資縣

龍門佳氣何鬱蔥高氏諸郎俱若龍昔人樹業幾年代  
門外長榕今蔽空長榕影底書連屋甥也奇標冠諸玉  
水田負郭多豐年雖有文章不干祿風清鶴唳聞九臯  
始信才名難自逃布衣直取紫鸞誥小邑暫試烹牛刀  
峨眉雪山連劍閣遠遊應嘆微官縛琴堂訟簡公事稀  
相憶從前讀書樂我家亦有萬卷儲窮年何曾剔蠹魚  
山林鐘鼎俱失意旁人却笑空藏書昔時圖史同歡賞

今日相思獨西望尺書感爾渭陽情  
欲答篇詩幾惆悵  
吾聞蜀中山水天下奇濯錦江頭多錦機  
政成還許庭  
闌覲佇看春風衣錦歸

賦得萬石岡為宗獻劉君作

蒼山西來爭駿奔衆峯獨有籌峯尊  
連岡坡陀走平陸  
參錯萬石如雲屯我疑秦人鞭石走來與人間作岡阜  
又疑仙子遺羊羣有形猶似猛獸蹲  
乃知元氣自凝結  
異狀奇姿紛哭兀秋風不揮白雲根  
曉霧長迷玄豹穴

曾聞山下有高墳，彭城餘澤多子孫。  
聲名能與崇岡並，他日當為萬石君。

贈延平王指揮

將軍英年負才武，坐鎮閩藩樂風土。  
旆拂九華峯際雲，帆開雙劍津頭雨。  
太平不復事刀弓，對酒投壺如祭公。  
勝遊隨處題名在，何必燕然紀戰功。

簡劉宗魯

君隱雲松門，我藏綠綺琴。  
憶昔聽君彈，泠泠陽春白雪。



吟我琴豈無絃素塵日相侵期君一來調雅音佳期迨  
迨曠難尋春風桃李月夕臨江頭草色青春春深君不來  
愁人心

閩中十子詩卷七

欽定四庫全書

閩中十子詩卷八

明 袁表

馬燮 編

陳徵君集三

五言律詩

闕

欽定四庫全書



卷八

中秋陪東臯草廬諸公玩月

明月出雲端  
亭亭轉玉盤  
涼風飄素彩  
零露溢清寒  
幸與同袍賞  
寧辭徹夜看  
獨慚才思淺  
茲夕接清歡

以舊蓄怪石疊為假山

自有為山力  
何煩役五丁  
奇峰開巖嶠  
秀色落階庭  
日映莓苔潤  
風搖松菊青  
更無登陟倦  
日到巖扃

秋晚與徐元暉同遊崇信寺

南畝黃雲盡西林白日低秋光浮翠巘暮色帶湖堤遠  
水留蟾影涼風送馬蹄知君城市客不肯宿招提

春日與仲仁伯弘與善諸子同遊西峯寺

西峰鬱林壑有客始登臨入寺山偏秀聞鐘路更深古  
松高疊葢流水細鳴琴笑問同遊者誰為淨宇心

何士廉坐中片石甚奇名曰玲瓏玉士廉吳人  
一片玲瓏石奇峰足品題色同孤玉潤勢比九華低几  
席閒相對壚薰近可栖知君有古癖名與米公齊

冬初與張丈初劉宗魯遊聖泉寺晚謁殊我上人  
不遇觀寺前白牛因寄

步入金沙地禪居偶閉關碧雲凝暮色紅樹滿寒山  
尚覺香緣淺空攜俗慮還三車何處演却放白牛閒

寄道士陳芝山

客舍重相問仙標見轉難一年秋復盡兩地月同看  
宮巷間絃誦霞洲想珮環聖朝方急士莫倚是黃冠

時館  
宮巷

霞洲建之  
東觀地名

晚春閒思

門巷客來稀  
閒居靜掩扉  
微風花自落  
細雨燕雙飛  
向曉披遺帙  
迎暄換袷衣  
年年此時節  
惆悵送春歸

人日儲玉樓觀霽雪

快雪初晴後  
高樓獨倚時  
初陽照欲爛  
青嶂間偏宜  
春淺花開滯  
寒深酒力遲  
曾聞作嘉瑞  
眎望在東菑

哭照禪師

首石鍾神秀  
雙林仰德輝  
維摩長養病  
弘忍早傳衣  
鐘



鼓清規在林泉賞客稀談空余未解有淚不勝揮

九日節後希石林公邀遊西巖

分得須字

佳色尚未遠登臨興不孤秋風吹遠樹暮色滿平蕪  
白髮題詩懶黃花泛酒須幽棲終未果即此寄歡娛

寓董氏書館留別吳彥器

把手向江干新知未盡歡百年文物少異縣別離難  
白日尊前度青山海上看他時解相憶琴裏寄幽蘭

戲簡雲石寺僧洽公

少食如持戒冥居尚坐禪心魔漸欲伏火宅豈能燃行  
止雖殊地風波共一船何時訪雲刹掇茗賞山泉

題洋江林彥禎所藏洋江春晚圖

江上曉來晴春波鴨綠生山雲半斂色汀芷盡含榮野  
艇乘潮去官橋隔岸橫亭中舒眺者猶有愛鵝情

穀日遊鄰霄臺

飛磴薄雲霄崇臺遠市囂山川掌底見世界望中超清  
磬隨風度名香隔竹飄芳期亦難屢永日且逍遙

滄浪清隱

我愛滄浪水千尋見底清月明三島近風定一波平  
清隱將遺世垂竿不釣名何時歌鼓杳相就濯塵纓

五言排律

題鄭浮丘與客臺江晚泛卷

千古臺江勝三英上客遊醉乘閩海月如泛洞庭秋  
木落山逾靜天寒水急流高懷凌浩渺長嘯振林丘  
弔古情何遠揮盃樂未休興歸非雪夜人望是仙舟  
樂事何

年再雄詞此日留無因陪逸賞操翰思悠悠

元夕與周微之唐士亨趙景哲同登神光塔

寶塔層層現天燈面面紅玉毫光不夜火樹迴當空七  
級高標壯千門屬望同朱欄晴映月金鐸遠鳴風弛禁  
逢元夕重修溢梵宮游觀多士庶登陟有文雄共許超  
羣品應知仰六通迷津如可照於此息微躬

閩中十子詩卷八

欽定四庫全書

閩中十子詩卷九

明 袁表

馬熒 編

陳徵君集四

七言律詩

寄陳叔起時在永嘉不歸

閩南一別幾經秋  
林館鶯花憶舊遊  
過鴈不堪頻北望  
滄江無奈自東流  
風塵冉冉逢人少  
江草萋萋向客愁

白髮丹青應更好何時飛翰寄滄洲

希召彥中見訪有詩留別次韻

壯歲相期據要津中年共愛作閒人賞心未逐青春老  
佳景惟添白髮新映日花枝深淺發拂波燕子往來頻  
他時海上能相憶還記花朝是別辰

冶城懷古

東西屹立兩浮屠十里臺江似帶紆八郡河山閩故國  
雙門樓閣宋行都自從風俗歸文化幾見封疆入版圖

惟有粵王城上月年年流影照西湖

擬咸陽懷古

羣山迢遞走咸陽王業當年此地昌天府首開秦社稷  
金城已作漢封疆澠池北入河流去軹道西連草樹荒  
故苑離宮何處是空令詞客弔興亡

滄浪漫興贈友人

湖波澹澹漾清暉閒倚苔磯坐不歸日暖風恬魚自躍  
渚深沙靜鷺忘飛青山滿目堪忘慮白髮盈簪未息機

笑問磯頭楊柳樹何年始掛薜蘿衣

暮春望日陪彥貞諸友遊西巖留宿而歸

厯澗穿林不覺遙石門咫尺到丹霄春晴野色相輝映  
日落烟光欲動搖巖壑暫紆高士駕杯盤還愧故人招  
多情昨夜臺前月不比尋常照寂寥

秋日與林彥衡遊集懷乃弟彥賓不預奉寄

小陸清才敵阿機鴈行何事每分飛故園搖落經時別  
佳節登臨幾日歸客夢未忘巫峽路鄉心終戀釣魚磯



新詩江左題皆遍却訝雲牋到我稀

代送林童子恩榮學道之延平

一棹夷猶上劍津烟霞樓觀可棲身  
雲山漫漫空傷別野鶴昂昂已出塵  
溪路梅花千樹雪仙家瑤草四時春  
他年鍊得金丹就持向高堂壽老親

奉寄高廷禮時求賢甚急高且講學編詩不暇  
壯遊心事已蹉跎寂寞扁扉似養病秋盡却看來鴈少  
暮愁空對遠山多頻傷白露摧蘭蕙獨羨清風滿薜蘿

見說新編又超絕近來衡鑑復如何

送道士王景蘭還上清

無心出洞等閒回莫共離亭醉一杯看竹憶曾飛珮過  
還山應許寄書來鄉園雨後饒芳草仙竈春深長碧苔  
幾欲從師遊物外却憐容鬢滿塵埃

七言排律

代賦野堂詩

白沙深淺映叢篁中有幽人卜草堂繞屋晴波浮鴨綠

近堤新柳拂金黃芳洲水滿鳬鷗集曲岸風來杜若香  
小艇繫籬閒不釣青山當戶澹相忘幽居豈必巖棲遠  
涉世何如書味長龐德只將安遺子馮唐不覺老為郎  
牀頭古帖從人借缸面新醪約客嘗誰道沽名高世俗  
懸知得趣在林塘勝遊屢接湖山賞晚學難追翰墨場  
時得抱琴彈夜月濯纓一曲和滄浪

欽定四庫全書

關中十子詩  
卷九

關中十子詩卷九